

धर्मचक्र प्रवर्तन सूत्र

(मूल पालि सहित अनुवाद)



सर्व प्रथम पञ्च बर्गिय धयापि न्याम्ह भिक्षु कौण्डीन्ये,
वपः, भद्दीय, महानाम, व अस्सजी पित्त असार
पुन्ही खुन्हु उपदेश कना बिज्यागु

अनुवादक

भिक्षु बुद्धघोष संघनायक

धर्मचक्र प्रवर्तन सूत्र

(मूल पालि सहित अनुवाद)



अनुवादक
भिक्षु बुद्धघोष संघनायक

प्रकाशक :

बाबुकाजी शाक्य

चाकुपाट, पाटनढोका, यल ।

फोन: ५५२३८२६, ५५३०४५७

बुद्ध सम्बत् : २५५०

नेपाल सम्बत् : १९२६

विक्रम सम्बत् : २०६३

इस्वी सम्बत् : २००६

कम्प्युटर :

होम डेस्कटप

बालिफल, ललितपुर

फोन: ५५३४९८२, ९८५१०६९३४९

गृहक :

मच्छिन्द्र प्रिन्टिङ्ग प्रेश

इखाछे, ललितपुर

फोन : ५५३४५०८

शुभकामना



जिमी बा बाबुकाजी शाक्य व मां कयो शाक्यया
मिम-रथारोहण, न्हांपागु जंकुया लसताय् वसपोलपिनिगु
सुस्वास्थ्य एवं मंगलमय् कामना यासे थुगु धर्मचक्र
प्रवर्तन सूत्र सफू सकल परिवारपाखें
धर्मदान यानागु जुल ।

काय् : बाबुराजा शाक्य

भौपिं : रञ्जना शाक्य

मिना शाक्य

मृत्याय्पिं : प्रेमछोरी शाक्य, केशरी शाक्य

छय्पिं : निरञ्जन शाक्य, श्रीजनशील शाक्य, रोजित शाक्य

प्रकाशकपाखें निगू शब्द

वाराणसीया ऋषिपतन मृगदावने भगवान बुद्धं आषाढ पुन्ही खुन्हं पञ्चवर्गीय भिक्षुपिन्त धर्मचक्र सूत्रया देशना याना बिज्यात । थ्व सूत्र भगवान बुद्धं बुद्धत्व प्राप्तिलिपा उपदेशना याना बिज्यागु सूत्रत मध्यय् न्हांपागु सूत्र खः । भगवान बुद्धं जीवनकाछिं लगभग ४५ दँ तक गुलिनं उपदेश याना बिज्यात, थ्व सूत्र आधारभूत जुया च्वंगु दु ।

भगवान बुद्धं थ्व धर्मचक्र सूत्र देशना याना बिज्यागु इले पञ्चवर्गीय भिक्षुपिं मध्यय् न्हांपा कौण्डिन्य श्रोतापन्न जुल, हानं १८ गू कोटी देव ब्रह्मापिं अरहत्त जुल धका उल्लेख याना तःगु दु । थ्व सूत्र न्हिया न्हिथं पाठ याःमहसित पुण्य लाभ जुइगु, भय अन्तराय हटे जुया वनिगु व देवतापिस रक्षा याइगु, सूत्र अनुसारं आचरण पालन याना यंकल धाःसा जन्म मरण दुःखं तकं मुक्त जुइफु ।

नेपालय् छापे जुइ धुंकुगु धार्मिक सफूत मध्यय् अप्वः याना प्रचार प्रसारय् वःगु अले लोकप्रिय जूगु ज्ञानमाला व परित्राणं लिपा धर्मचक्रं सूत्रया स्थान दु धयां अप्पो खँ जुइथें मताः । थ्व सूत्र दकले न्हांपां पूज्य भन्ते अनुरूद्ध महास्थविरया पाखें अनुवाद याना धर्मोदय सभां पिकाय् धुंकुगु दु । अनं लिपा श्रद्धेय ज्ञानपूर्णिक महास्थविरं अनुवाद याना रामकाजी उपासक पाखें पिहाँ वये धुंकुगु दु । अथे हे धर्मकिर्ति अध्ययन गोष्ठीया प्रकाशनय् पूज्य अश्वघोष महास्थविरं सिंहलि पुस्तकया अनुवाद याना पिकाय् धुंकुगु दु । थ्व सफू च्वयेत बर्माया प्रसिद्ध विद्वान ऊ बउ सयादोनं च्वया बिज्यागु धर्मचक्र सूत्र बर्मी शब्दार्थ, श्रद्धेय अनुरूद्ध महास्थविर भन्तेनं च्वया विज्यागु धर्मचक्र सूत्र हानं भूतपूर्व बर्माया प्रधानमन्त्री ऊ नुं च्वया डा. भिक्षु रेवतधर्म अनुवाद याना बिज्यागु खः ।

ध्व सफू जन समाजय् अभाव जुया वःगु खने दया जिगु मने लुया वगु कथं स्वर्गीय थः चिधकम्ह पुत्ररत्न रत्नकाजि शाक्यया निर्वाण कामना यासे व सकल सत्व प्राणिपिनिगु सुखि निरोगी एवं दीर्घायु कामना आशिका यासे थुगु धर्मचक्र प्रवर्तन सूत्र सफू सकसिया न्ह्योने तय् दया अतिकं हर्ष तायका च्वना । थुगु अमुल्यगु सफू सकसिन बाँलाक अध्ययन याना आपलं मनूतय्सं उत्तमगु ज्ञान लाभ याना काई धैगु भलसा कयाच्वना ।

विशेषतः थुगु अमुल्यगु धर्मचक्र सूत्र सफू संशोधन याना गुहाली याना विज्यागुलि श्रद्धेय भद्रिय भन्ते स्थवीर यातनं धन्यवाद व हार्दिक शुभ मंगल द्यछाना च्वना । अथेहे थुगु धर्मचक्र सूत्र सफू इलेहे छापे याना गुहाली याना विज्यागुलि मच्छिन्द्र प्रिन्टिङ्ग प्रेसयातनं आपलं धन्यवाद वियाच्वना । नापतुं थुगु सफूया लागि तन मन व धन विया गुहाली याना विज्यागुलि परिवारप्रति कृतज्ञता द्यछाना च्वना ।

दिं : २०६३ आषाढ ६ गते

Dhamma.Digital

प्रकासक

बाबुकाजी शाक्य

नमो तस्स भगवतो अरहतो सम्मासम्बुद्धस्स ।

धम्मचक्कपवत्तन सुत्त

१- भिक्खूनं पञ्चवग्गीनं - इसिपतन नामके ।
मिगदाये धम्मवरं - यं तं निब्बान पापकं ॥
सहम्पति नामकेन- महा ब्रह्मे न याचितो ।
चतुसच्चं पकासेन्तो- लोकनाथो अदेसयि ॥
नन्दितं सब्बदेवेहि- सब्बसम्पत्ति साधकं ।
सब्बलोक हितत्थाय- धम्मचक्कं भणाम हे ॥

२ - एवं मे सुतं, एकं समयं भगवा
बाराणसियं विहरति इसिपतने मिगदाये । तत्र
खो भगवा पञ्चवग्गिये भिक्खू आमन्तेसि-

३ - द्वे मे भिक्खवे अन्ता पब्बजितेन न
सेवितब्बा । कतमे द्वे ? योचायं कामेसु
कामसुखल्लिकानुयोगो, हीनो गम्मो पोथु
ज्जनिको अनरियो अनत्थसंहितो । योचायं
अत्तकिलमथानुयोगो दुक्खो अनरियो अनत्थ

संहितो । एते खो भिक्खवे उभो अन्ते अनु-
 पगम्म मज्झिमा पटिपदा तथागतेन अभि-
 सम्बुद्धा, चक्खुकरणी, ज्ञाणकरणी, उप-
 समाय अभिञ्जाय सम्बोधाय निब्बानाय
 संवत्तति । कतमा च सा भिक्खवे मज्झिमा
 पटिपदा तथागतेन अभिसम्बुद्धा, चक्खु-
 करणी, ज्ञाणकरणी, उपसमाय अभिञ्जाय
 सम्बोधाय निब्बानाय संवत्तति ? - अयमेव
 अरियो अट्ठङ्गिको मग्गो, सेय्यथिदं -

४ - सम्मादिठ्ठि, सम्मासङ्कप्पो, सम्मा-
 वाचा, सम्माकम्मन्तो, सम्माआजीवो,
 सम्मावायामो, सम्मासति, सम्मासमाधि । अयं
 खो सा भिक्खवे मज्झिमा पटिपदा तथागतेन
 अभिसम्बुद्धा चक्खुकरणी, ज्ञाणकरणी, उप-
 समाय अभिञ्जाय सम्बोधाय निब्बानाय
 संवत्तति ।

५- इदं खो पन भिक्खवे दुक्खं अरियसञ्चं
 - जातिपि दुक्खा, जरापि दुक्खा, ब्याधिपि

दुखो, मरणंपि दुखं; अप्पियेहि सम्पयोगो
दुखो, पियेहि विप्पयोगो दुखो; यंपिच्छं न
लभति तंपि दुखं, संखित्तेन पच्चुप्पादा-
नक्खन्धा दुखा ।

६- इदं खो पन भिक्खवे दुखसमुदयं,
अरियसच्चं-यायं तण्हा पोनोढभविका नन्दी -
राग सहगता तत्र तत्राभिनन्दिनी सेय्यथिदं:-
कामतण्हा, भवतण्हा, विभवतण्हा ।

७- इदं खो पन भिक्खवे दुखनिरोधं
अरियसच्चं - यो तस्सायेव तण्हाय असेस
विराग निरोधो चागो पटिनिस्सग्गो मुत्ति
अनालयो ।

८- इदं खो पन भिक्खवे दुखनिरोधगा-
मिनी पटिपदा अरियसच्चं । अयमेव अरियो-
अट्ठङ्गिकोमग्गो, सेय्यथिदं-सम्मादिट्ठि, सम्मा
सङ्कप्पो, सम्मावाचा, सम्माकम्मन्तो, सम्मा
आजीवो, सम्मावायामो, सम्मासति, सम्मा
समाधि ।

९- इदं दुक्खं अरियसच्चंन्ति मे भिक्खवे पुब्बे अननुस्सुतेसु धम्मेषु चक्खुं उदपादि, जाणं उदपादि, पञ्जा उदपादि, विज्जा उदपादि, आलोको उदपादि । तं खो पनिदं दुक्खं अरियसच्चं परिञ्जेयन्ति मे भिक्खवे पुब्बे- अननुस्सुतेसु धम्मेषु चक्खुं उदपादि, जाणं उदपादि, पञ्जा उदपादि, विज्जा उदपादि, आलोको उदपादि । तं खो पनिदं दुक्खं अरियसच्चं परिञ्जातन्ति मे भिक्खवे पुब्बे अननुस्सुतेसु धम्मेषु चक्खुं उदपादि; जाणं उदपादि, पञ्जा उदपादि, विज्जा उदपादि, आलोको उदपादि ।

१०- इदं दुक्खसमुदयं अरियसञ्चन्ति मे भिक्खवे पुब्बे अननुस्सुतेसु धम्मेषु चक्खुं उदपादि, जाणं उदपादि, पञ्जा उदपादि, विज्जा उदपादि, आलोको उदपादि । तं खो पनिदं दुक्खसमुदयं अरियसञ्चं पहातब्बन्ति मे भिक्खवे पुब्बे अननुस्सुतेसु धम्मेषु चक्खुं उदपादि, जाणं उदपादि, पञ्जा उदपादि,

विज्जा उदपादि, आलोको उदपादि । तं खो
पनिदं दुक्खसमुदयं अरियसञ्चं पहीनन्ति मे-
भिक्खवे पुब्बे अननुस्सुतेसु धम्मेसु चक्खुं
उदपादि, जाणं उदपादि, पञ्जा उदपादि; विज्जा
उदपादि, आलोको उदपादि ।

११- इदं दुक्खनिरोधं अरियसञ्चंन्ति मे
भिक्खवे पुब्बे अननुस्सुतेसु धम्मेसु चक्खुं
उदपादि, जाणं उदपादि, पञ्जा उदपादि, विज्जा
उदपादि, आलोको उदपादि । तं खो पनिदं
दुक्खनिरोधं अरियसञ्चं सच्चिका- तब्बन्ति
मे भिक्खवे पुब्बे अननुस्सुतेसु धम्मेसु चक्खुं
उदपादि, जाणं उदपादि, पञ्जा
उदपादि, विज्जा उदपादि, आलोको उदपादि ।
तं खो पनिदं दुक्खनिरोधं अरियसच्चं
सच्चिकतन्ति मे भिक्खवे पुब्बे अननुस्सुतेसु
धम्मेसु चक्खुं उदपादि, जाणं उदपादि, पञ्जा
उदपादि, विज्जा उदपादि, आलोको
उदपादि ।

१२- इदं दुक्खनिरोधगामिनी पटिपदा

(५)

अरियसच्चन्ति मे भिक्खवे पुब्बे अननुस्सुतेसु धम्मेषु चक्खुं उदपादि, ज्ञाणं उदपादि, पञ्जा उदपादि, विज्जा उदपादि, आलोको उदपादि । तं खो पनिदं दुक्खनिरोधगामिनि पटिपदा अरियसञ्चं भावेतब्बन्ति मे भिक्खवे पुब्बे अननुस्सुतेसु धम्मेषु चक्खुं उदपादि, ज्ञाणं उदपादि, पञ्जा उदपादि, विज्जा उदपादि, आलोको उदपादि । तं खो पनिदं दुक्खनिरोधगामिनि पटिपदा अरियसञ्चं भावितन्ति मे भिक्खवे पुब्बे अननुस्सुतेसु धम्मेषु चक्खुं उदपादि, ज्ञाणं उदपादि, पञ्जा उदपादि, विज्जा उदपादि, आलोको उदपादि ।

१३- यावकिवञ्च मे भिक्खवे इमेसु चतूसु अरियसच्चेसु एवं तिपरिवट्टं द्वादसाकारं यथा- भूतं ज्ञाणदस्सनं न सुविसुद्धं अहोसि, नेवता- वाहं भिक्खवे सदेवके लोके स-मारके सब्रह्मके स-स्समण-ब्राह्मणिया पजाय स-देव-मनुस्साय अनुत्तरं सम्मासम्बोधिं अभिसम्बुद्धोति पञ्च- ज्ञासिं । यतो च खो मे भिक्खवे इमेसु चतूसु

अरिय-सच्चेसु एवं तिपरिवट्टं द्वादसाकारं यथा-
भूतं जाणदस्सनं सुविसुद्धं अहोसि, अथाहं
भिक्षवे स-देवके लोकेस-मारके स-ब्रह्मके
स-स्समण ब्राम्हणिया पजाय सदेव मनुस्साय
अनुत्तरं सम्मासम्बोधिं अभिसम्बुद्धोति पञ्च-
ञ्जासिं । जाणञ्च पन मे दस्सनं उदपादि ।
अकुप्पा मे विमुत्ति अयमन्तिमाजाति नत्थि-
दानि पुनोभवोति । इदमवो च भगवा, अत्त-
मना पञ्च-वग्गिया भिक्षू भगवतो भासितं
अभिनन्दुन्ति ।

१४- इमस्मिञ्च पन वेय्याकरणस्मि भञ्ज-
माने आयस्मतो कोण्डञ्जस्स विरजं वीतमलं
धम्मचक्खुं उदपादि, यंकिञ्चि समुदयधम्मं
सब्बन्तं निरोधधम्मन्ति ।

१५- पवत्तिते च पन भगवता धम्म-
चक्के भुम्मादेवा सदमनुस्सावेसुं- एतं भगवता
बाराणासियं इसिपतने मिगदाये अनुत्तरं
धम्मचक्कं पवत्तितं अप्पटिवत्तियं समणेनवा
ब्राह्मणेन वा देवेन वा मारेन वा ब्रह्मना वा

केनचि वा लोकस्मिति ।

१६- भुम्मानं देवानं सद्दं सत्त्वा चातु-
महाराजिका देवा सद्दमनुस्सावेसुं- एतं भग-
वता बाराणसियं इसिपतने मिगदाये अनुत्तरं
धम्मचक्कं पवत्तितं अप्पटिवत्तियं समणेनवा
ब्राह्मणेन वा देवेन वा मारेन वा ब्रह्मना वा
केनचि वा लोकस्मिति ।

१७- चातुमहाराजिकानं देवानं सद्दं
सुत्त्वा तावतिसा देवा सद्दमनुस्सावेसुं - एतं
भगवता वाराणसियं इसिपतने मिगदाये अनु-
त्तरं धम्मचक्कं पवत्तितं अप्पटिवत्तियं समणेनवा
ब्राह्मणेन वा देवेन वा मारेन वा ब्रह्मना वा
केनचि वा लोकस्मिति ।

१८- तावतिसानं देवानं सद्दं सुत्त्वा यामा
देवा सद्दमनुस्सावेसुं- एतं भगवता वारा-
णसियं इसिपतने मिगदाये अनुत्तरं धम्मचक्कं
पवत्तितं अप्पटिवत्तियं समणेनवा ब्राह्मणेन वा
देवेन वा मारेन वा ब्रह्मना वा केनचि वा
लोकस्मिति ।

१९- यामानं देवानं सहं सुत्वा तुसिता देवा
सद्मनुस्सावेसुं - एतं भगवता वाराणसियं-
इसिपतने मिगदाये अनुत्तरं धम्मचक्कं पवत्तितं
अप्पटिवत्तियं समणेन वा ब्राह्मणेन वा देवेन वा
मारेन वा ब्रह्मुना वा केनचि वा लोकस्मिति ।

२०- तुसितानं देवानं सहं सुत्वा निम्मा-
नरती देवा सद्मनुस्सावेसुं - एतं भग- वता
बाराणसियं इसिपतने मिगदाये अनुत्तरं
धम्मचक्कं पवत्तितं अप्पटिवत्तियं समणेन वा
ब्राह्मणेन वा देवेन वा मारेन वा ब्रह्मुना वा
केनचि वा लोकस्मिति ।

२१- निम्मानरतोनं देवानं सहं सुत्वा
परनिम्मित वसवत्ती देवा सद्मनुस्सावेसुं- एतं-
भगवता ब्राह्मणसयं इसिपतने मिगदाये अनुत्तर
धम्मचक्कं पवत्तितं अप्पटिवत्तियं समणेन वा
ब्राह्मणेन वा देवेन वा मारेन वा ब्रह्मुना वा
केनचि वा लोकस्मिति ।

२२- परनिम्मितवसवत्तीनं देवानं सहं सुत्वा

ब्रह्मकायिका देवा सद्वमनुस्सा- वेसुं- एतं भगवता
 बाराणसियं इसिपतने मिगदाये अनुत्तरं
 धम्मचक्कं पवत्तितं अप्पटिवत्तियं समणेन वा
 ब्राह्मणेन वा देवेन वा मारेन वा ब्रह्मना वा
 केनचि वा लोकस्मिति ।

२३- इतिह तेन खणेन तेन लयेन तेन
 मुहुत्तेन याव ब्रह्मलोका सद्वो अब्भुगच्छि ।
 अयञ्च दससहस्सि लोकधातु संकम्पि सम्प-
 कम्पि सम्पवेधि । अप्पमाणो च उलारो ओ-
 भासो लोके पातुरहोसि अतिक्कम्म देवानं
 देवानुभावन्ति ।

२४- अथ खो भगवा इमं उदानं उदा-
 नेसि-अञ्जासि वत भो-कोण्डञ्जो, अञ्जा-
 सि वत भो कोण्डञ्जो'ति । इतिहिदं आय-
 स्मतो कोण्डञ्जस्स अञ्जासि कोण्डञ्जोत्वेव
 नामं अहोसि ।

२५- अथ खो आयस्मा अञ्जासि कोण्डञ्जो
 दिट्ठधम्मो पत्तधम्मो विदितधम्मो परियोगा-
 ल्हधम्मो तिण्ण विचिकिच्छो विगत कथंकथो

वेसारज्जप्पत्तो अपरप्पचचयो सत्थुसासने भग-
वन्तं एतदवोच-लभेय्याहं भन्ते भगवतो सन्तिके
पब्बज्जं, लभेय्यं उपसम्पदन्ति ।

२६- एहि भिक्खूति भगवा अवोच,
स्वाक्खातो धम्मो, चर ब्रह्मचरियं सम्मा
दुक्खस्स अन्तकिरियायाति । साव तस्स
आयस्मतो उपसम्पदा अहोसीति ।

॥ धम्मचक्कपवत्तन सुत्तं निट्ठितं ॥

Dhamma.Digital

नमो तस्स भगवतो अरहतो सम्मासम्बुद्धस्स

धर्मचक्र प्रवर्तन सूत्रया भावार्थ

धर्मचक्र स्तुति

१- प्यंगू आर्यसत्ययात प्रकाश याना क्यना बिज्याम्ह लोकया नाथ जुया बिज्याकम्ह भगवान बुद्धं सहम्पति नां जुया च्वंम्ह महाब्रह्मां धर्म देशना यायेया नितिं प्रार्थना याःगु जुया इषिपतन धयागु (बुद्ध, प्रत्येक बुद्ध, व आर्यपिं आकाशं क्वहां बिज्याइगु आकाशय् थहाँ बिज्याइगु) मृगदावनय् (मृग तयेत अभयदान बिया तःगु) पञ्चवर्गीय (न्याम्ह छपुचः जुया च्वंपिं) भिक्षुपिन्त निर्वाणय् थ्यंका बीगु उत्तमगु धर्म जुया च्वंगु गुगु धर्मचक्र देशना कना बिज्यात; सकल देव ब्रह्मापिनि यःगु फुक्क लौकिक लोकुत्तर व वर्तमान संसारयागु भोग सम्पत्तियात पूर्ण याना बीगु उगु धर्मचक्र देशनायात सकल लोकपिन्त हित यायेया नितिं भो सत्पुरुषपिं भीसं पाठ यायेनु ।

Dhamma.Digital

धर्मचक्रया निदान

२- भन्ते काश्यप । थुगु धर्मचक्र प्रवर्तन सूत्र जिं (आनन्द स्थविरं) भगवानया समुखे थथे न्यना तयागु दु । छगू समयय् भगवान बाराणसीया ऋषिपतन धयागु मृगदावनय् विहार याना बिज्याना च्वंगु खः । अबले भगवानं पञ्चवर्गीय भिक्षुपिन्त सम्बोधन याना सःता बिज्यात-

अन्त निगू

३- भिक्षुपिं ! थुपिं निगू अन्त (चरम सीमानाय् थ्यना च्वंगु) प्रव्रजित पिसं सेवन याये योग्य मजू । थुपिं निगू अन्त छु छु खः ? थ्व त्रैभूमिक धर्म नामक काम वस्तुल्य् छन्द राग नामक क्लेश काम युक्तगु सुखय बारम्बार भोग यायेगु गुगु थ्व हीनगु ग्राम्यगु (गामे च्वंपिसं सेवन याइगु) पृथ्कजनपिनिगु आचार व्यवहार जुया च्वंगु, आर्यपिसं सेवन मयाइगु, हानं अनर्थ युक्तगु अन्त खः हानं थ्व कंलाया चनेगु इत्यादि दुःख व कष्ट बीगु अनार्य सेवितगु, अनर्थ युक्तगु, थःगु शरीरयात बारबार कष्ट बीगु अन्त खः । थुपिं निगू अन्तय् मवंसे (जि) तथागतं मध्यम मार्ग (दथुलं) या ज्ञान प्राप्त याना कयागु खः, गुगु प्यंगू आर्यसत्ययात खंके फइगु प्रज्ञा चक्षु दयेका बीगु, प्यंगू आर्यसत्यया ज्ञान दयेका बीगु, क्लेश शान्त जुया सउपादिशेष निर्वाण प्राप्तिया नितिं जुयाच्वंगु प्यंगू आर्यसत्ययात विशेष ज्ञानं सीकेया नितिं जुया च्वंगु, प्यंगू आर्यसत्ययात बांलाक थुइकेया नितिं जुया च्वंगु हानं अनुपादिशेष निर्वाण प्राप्तिया नितिं जुया च्वंगु खः ।

मध्यम मार्ग

भिक्षुपिं, (जि तथागतं) अवबोध याना कयागु गुगु मध्यम मार्ग खः गुकिं प्यंगू आर्य सत्ययात खंके फइगु प्रज्ञा चक्षु दयेका बीगु, प्यंगू आर्यसत्यया ज्ञान दयेका बीगु क्लेश शान्त जुया सउपादिशेष निर्वाण प्राप्तिया नितिं जुया च्वंगु प्यंगू आर्य सत्ययात विशेष ज्ञान सीकेया नितिं जुया च्वंगु प्यंगू आर्यसत्ययात बांलाक थुइकेया नितिं

जुया च्वंगु हानं अनुपादिशेष निर्वाण प्राप्तिया निमित्तं जुया च्वंगु खः,
व (मध्यम मार्ग) गुगु खः ? व ध्वहे आर्य अष्टांगिक मार्ग खः ।

गथे :-

४- सम्यक् दृष्टि, सम्यक् संकल्प, सम्यक् वचन, सम्यक् कर्मान्त, सम्यक् आजीविका, सम्यग व्यायाम, सम्यक् स्मृति, सम्यक् समाधि, भिक्षुपिं । (जि) तथागतं अवबोध याना कयागु मध्यम-प्रतिपदा (दथुया लँपु) ध्व व हे आर्यअष्टाङ्गिक मार्ग खः, गुकिं प्यंगू आर्यसत्ययात खंके फइगु प्रज्ञा चक्षु दयेका बीगु, प्यंगू आर्यसत्यया ज्ञान दयेका बीगु, क्लेश शान्त जुया सउपादिशेष निर्वाण प्राप्तिया नितिं जुया च्वंगु, प्यंगू आर्यसत्ययात विशेष ज्ञानं सीकेया नितिं जुया च्वंगु, प्यंगू आर्यसत्ययात बांलाक थुइकेया नितिं जुया च्वंगु हानं अनुपादिशेष निर्वाण प्राप्तिया नितिं जुया च्वंगु खः ।

Dhamma.Digital

दुःख सत्य

५- भिक्षुपिं । ध्व दुःख आर्यसत्य (आर्यपिसं सीकेमाःगु) खः-
जन्म जुइगु नं दुःख, बुढा जुइगु नं दुःख, रोग जुइगु नं दुःख, मरण जुइगु नं दुःख, मयःपिं नाप ह्वना च्वनेगु नं दुःख, यःपिं नाप बाया च्वनेगु नं दुःख, इच्छा यानागु वस्तु प्राप्त मजुइगु नं दुःख, संक्षिप्तं धाल धाःसा न्यागू उपादानस्कन्ध दुःख खः।

समुदय सत्य

६- भिक्षुपिं ! थ्व दुःख-समुदय आर्य सत्य खः-

गुगु थ्व (लोभं) पुनर्जन्म जुइकीगु स्वभाव दुगु खः । यइपु तायेकीगु नन्दी व प्यपुनीगु रागं युक्त जुया च्वंगु खः, उगु उगु आत्मा लावय्, उगु उगु आरम्मणय् तःसकं न्ह्याइपु तायेकीगु तृष्णा खः व उगु तृष्णा छु छु खः- काम तृष्णा (रूपारम्मण आदि वस्तुकामय प्यपुने यःगु तृष्णा) भव तृष्णा (साश्वत दृष्टि युक्तगु तृष्णा) विभव तृष्णा (उच्छेद दृष्टि युक्तगु तृष्णा) ।

निरोध सत्य

७- भिक्षुपिं ! थ्व (निर्वाण) दुःख निरोध आर्य सत्य खः- गुगु व हे कामादि तृष्णाया अशेष विराग निरोध ल्यं पुल्यं मदयेक प्यपुनेगुलिं अलग जुया च्वंगु, अन्त जुया च्वंगु निर्वाण खः । त्याग (तृष्णायात तोते माःगु निर्वाण खः) प्रतिनिसर्ग (तापाकं निसें तृष्णायात तोते माःगु निर्वाण खः) । तृष्णायात बांलाक हे तोता छूवे धुंकुगु (निर्वाण) मुक्ति (तृष्णा) मुक्त जुइ माःगु निर्वाण खः) व अनालय (तासय् जुइगुलिं अलग जुया च्वंगु निर्वाण खः) ।

मार्ग सत्य

८- भिक्षुपिं ! थ्व दुःख निरोध-गामिनी-प्रतिपदा (दुःखया अन्त अन्त जुया निर्वाणय् थ्यनीगु कारण आचरण जुया च्वंगु आर्यसत्य,

ध्व हे आर्य अष्टाङ्गिक मार्ग खः । गथे:-सम्यग् दृष्टि, सम्यक् संकल्प, सम्यग् वचन, सम्यक् कर्मान्त, सम्यक् आजीविका, सम्यग् व्यायाम, सम्यक् स्मृति व सम्यक् समाधि ।

दुःख सत्यय् सत्यज्ञान

९- भिक्षुपिं ! ध्व (तृष्णा बर्जितगु त्रैभूमिक धर्म) दुःख आर्यसत्य खः धका जिं थनं न्हापा बुद्ध मजुयानिबले न्यने मनंगु सत्य धर्मय् दुःख सत्ययात खंके फइगु प्रज्ञा चक्षु उत्पन्न जुल, दुःख सत्यया ज्ञान उत्पन्न जुल, जाति दुःख आदियात थी थी याना सीके फइगु प्रज्ञा उत्पन्न जुल, दुःख सत्ययात साक्षात्कार याना सीके फइगु विद्या उत्पन्न जुल । दुःख सत्ययात तोपुया तइगु मोहरूपी अन्धकारयात नाश याइगु प्रज्ञारूपी आलोक (जः) उत्पन्न जुल ।

दुःख सत्यय् कृत्यज्ञान

भिक्षुपिं ! ध्व दुःख आर्य सत्य 'परिज्ञेय छ्चाख्यलं थी थी याना सीका काय माःगु खः' धका थनं न्हापा बुद्ध मजुयानि बले जिं न्यने मनंगु खः, (आः जित) ध्व सत्य धर्मय् दुःख सत्ययात ख.के फइगु प्रज्ञा चक्षु उत्पन्न जुल, दुःख सत्यया ज्ञान उत्पन्न जुल, जाति दुःख आदियात थी थी याना सीके फइगु प्रज्ञा उत्पन्न जुल । दुःख सत्ययात साक्षात्कार याना सीके फइगु विद्या उत्पन्न जुल । दुःख सत्ययात तोपुया तइगु, मोह रूपी अन्धकार नाश याइगु प्रज्ञारूपी आलोक उत्पन्न जुल ।

दुःख सत्यय् कृतज्ञान

भिक्षुपिं ! थ्व दुःख आर्यसत्य 'परिज्ञात छ्चाख्यलं थीथी याना सीकाकाय्' धुन धका थनं न्हापा बुद्ध मज्जुयानिबले जिं न्यने मनंगु खः । (आः जित) थ्व सत्य धर्मय् दुःख सत्ययात खंके फइगु प्रज्ञा चक्षु उत्पन्न जुल, दुःख सत्यया ज्ञान उत्पन्न जुल, जाति दुःख आदियात थीथी याना सीके फइगु प्रज्ञा उत्पन्न जुल । दुःख सत्ययात साक्षात्कार याना सीके फइगु विद्या उत्पन्न जुल । दुःख सत्ययात तोपुया तइगु मोहरूपी अन्धकार नाश याइगु प्रज्ञारूपी आलोक उत्पन्न जुल ।

समुदय सत्यय् सत्यज्ञान

१०- भिक्षुपिं ! थ्व (तृष्णा धयागु लोभ) दुःख समुदय दुःखया कारण जुया च्वंगु आर्यसत्य खः धका थनं न्हापा बुद्ध मज्जुयानिबले जिं न्यने मनंगु खः, (आःजित) थ्व सत्य धर्मय् समुदय सत्ययात खंके फइगु प्रज्ञा चक्षु उत्पन्न जुल, समुदय सत्यया ज्ञान उत्पन्न जुल, विभिन्न प्रकारया तृष्णायात थीथी याना सीके फइगु प्रज्ञा उत्पन्न जुल, समुदय सत्ययात साक्षात्कार याना सीके फइगु विद्या उत्पन्न जुल, समुदय सत्ययात तोपुया तइगु मोहरूपी अन्धकारयात नाश याइगु प्रज्ञारूपी आलोक उत्पन्न जुल ।

समुदय सत्यय् कृतज्ञान

भिक्षुपिं ! थ्व दुःख समुदय आर्यसत्ययात मदयेका छ्वयेमा अर्थात् परित्याग याना छ्वयेमा धका थनं न्हापा बुद्ध मज्जुयानि बले

जिं न्यने मनंगु खः, (आःजित) ध्व सत्य धर्मय् समुदय सत्ययात खंके फइगु प्रज्ञाचक्षु उत्पन्न जुल, विभिन्न प्रकारया तृष्णायात थीथी याना सकिं फइगु प्रज्ञा उत्पन्न जुल, समुदय सत्ययात साक्षात्कार याना सीके फइगु विद्या उत्पन्न जुल, समुदय सत्ययात तोपुया तइगु मोहरूपी अन्धकारयात नाश याइगु प्रज्ञारूपी आलोक उत्पन्न जुल ।

समुदय सत्यय् कृतज्ञान

भिक्षुपिं ! ध्व दुःख समुदय आर्यसत्ययात परित्यागयाना छ्वे धुन धका थनं न्हापा बुद्ध मज्जुयानिबले जिं न्यने मनंगु खः, (आःजित) ध्व सत्य धर्मय् समुदय सत्ययात खंके फइगु प्रज्ञा चक्षु उत्पन्न जुल, समुदय सत्यया ज्ञान उत्पन्न जुल । विभिन्न प्रकारया तृष्णायात थीथी याना सीके फइगु प्रज्ञा उत्पन्न जुल । समुदय सत्ययात साक्षात्कार याना सीके फइगु विद्या उत्पन्न जुल । समुदय सत्ययात तोपुया तइगु मोहरूपी अन्धकारयात नाश याइगु प्रज्ञारूपी आलोक उत्पन्न जुल ।

निरोध सत्य सत्यज्ञान

११- भिक्षुपिं ! ध्व (निर्वाण) दुःख निरोध आर्यसत्य खः धका थनं न्हापा बुद्ध मज्जुयानिबले जिं न्यने मनंगु खः, (आःजित) उगु सत्य धर्मय् निरोध सत्ययात खंके फइगु प्रज्ञाचक्षु उत्पन्न जुल, निरोध सत्यया ज्ञान उत्पन्न जुल, निर्वाणमा अनेक प्रभेदयात थीथी याना सीके फइगु प्रज्ञा उत्पन्न जुल, निरोध सत्ययात साक्षात्कार याना सीके फइगु विद्या उत्पन्न जुल, निरोध सत्ययात तोपुया तइगु मोहरूपी अन्धकारयात नाश याइगु प्रज्ञारूपी आलोक उत्पन्न जुल ।

निरोध सत्यय् कृत्यज्ञान

भिक्षुपिं । ध्व दुःख निरोध आर्य सत्ययात प्रत्यक्ष याना कायेमा धका थनं न्हापा बुद्ध मज्जुयानिबले जिं न्यने मनंगु खः, (आःजित) उगु सत्य धर्मय् निरोध सत्ययात खंकेफइगु प्रज्ञा चक्षु उत्पन्न जुल, निरोध सत्यया ज्ञान उत्पन्न जुल, निर्वाणया अनेक प्रभेदयात थीथी याना सीके फइगु प्रज्ञा उत्पन्न जुल, निरोध सत्ययात साक्षात्कार याना सीके फइगु विद्या उत्पन्न जुल, निरोध सत्ययात तोपुया तइगु मोहरूपी अन्धकारयात नाश याइगु प्रज्ञारूपी आलोक उत्पन्न जुल ।

निरोध सत्यय् कृतज्ञान

भिक्षुपिं । ध्व दुःख निरोध आर्य सत्ययात प्रत्यक्ष याना काये धुन धका थनं न्हापा बुद्ध मज्जुयानिबले जिं न्यने मनंगु खः, (आ जित) उगु सत्य धर्मय् निरोध सत्ययात खंके फइगु प्रज्ञा चक्षु उत्पन्न जुल, निरोध सत्यया ज्ञान उत्पन्न जुल, निर्वाणया अनेक प्रभेदयात थीथी याना सीके फइगु प्रज्ञा उत्पन्न जुल, निरोध सत्ययात साक्षात्कार याना सीके फइगु विद्या उत्पन्न जुल । निरोध सत्ययात तोपुया तइगु मोहरूपी अन्धकारयात नाश याइगु प्रज्ञारूपी आलोक उत्पन्न जुल ।

मार्ग सत्यय् सत्यज्ञान

१२- भिक्षुपिं । ध्व दुःख निरोध गामिनी प्रतिपदा आर्य सत्य खः धका थनं न्हापा बुद्ध मज्जुयानिबले जिं न्यने मनंगु खः, (आःजित) उगु

सत्य धर्मय् मार्ग सत्ययात खंके फइगु प्रज्ञा चक्षु उत्पन्न जुल, मार्ग सत्यया ज्ञान उत्पन्न जुल, विभिन्न प्रकारया मार्गयात थी थी याना सीके फइगु प्रज्ञा उत्पन्न जुल । मार्ग सत्ययात साक्षात्कार याना सीके फइगु विद्या उत्पन्न जुल । मार्ग सत्ययात तोपुया तइगु मोहरूपी अन्धकारयात नाश याइगु प्रज्ञारूपी आलोक उत्पन्न जुल ।

मार्ग सत्यय् कृत्यज्ञान

भिक्षुपिं ! ध्व दुःख निरोध गामिनी प्रतिपदा आर्य सत्य भावना यायेमा धका थनं न्हापा बुद्ध मजुयानिबले जिं न्यने मनंगु खः, (आःजित) उगु सत्य धर्मय् मार्ग सत्ययात खंके फइगु प्रज्ञा चक्षु उत्पन्न जुल, मार्ग सत्यया ज्ञान उत्पन्न जुल, विभिन्न प्रकारया मार्गयात थीथी याना सीके फइगु विद्या उत्पन्न जुल । मार्ग सत्ययात तोपुया तइगु मोहरूपी अन्धकारयात नाश याइगु प्रज्ञारूपी आलोक उत्पन्न जुल ।

मार्ग सत्यय् कृतज्ञान

भिक्षुपिं ! ध्व दुःख निरोध गामिनी प्रतिपदा आर्य सत्य भावना याये धुन धका थनं न्हापा बुद्ध मजुयानिबले जिं न्यने मनंगु खः (आःजित) उगु सत्य धर्मय् मार्ग सत्ययात खंके फइगु प्रज्ञा चक्षु उत्पन्न जुल, मार्ग सत्यया ज्ञान उत्पन्न जुल, विभिन्न प्रकारया मार्गयात थीथी याना सीके फइगु विद्या उत्पन्न जुल, मार्ग सत्ययात तोपुया तइगु मोहरूपी अन्धकारयात नाश याइगु प्रज्ञारूपी आलोक उत्पन्न जुल ।

न्हापां बुद्ध जुल धका स्वीकार याना बिमज्यागु

१३- गबले तक भिषुपिं जित थ्व प्यंगू आर्य सत्यय् सत्य ज्ञान, कृत्यज्ञान व कृतज्ञान कथं स्वंगू तह दुगु आकार कथं भिनिगू दुगु यथार्थ ज्ञान दर्शन बांलाक परिशुद्ध मज्जुनिगु खः, अबले तक भिक्षुपिं जिं देव मार व ब्रह्मापिं सहितगु समस्त (ओकास) लोके (सम्मति देव धयापिं) जुजुपिं व ल्यंदुपिं मनुष्यपिं अले श्रमण ब्राह्मणपिं सहितगु समस्त प्रजापिनि (प्राणीपिनि) दथुइ अथवा सत्वलोकय् अनुत्तर सम्यक सम्बोधि ज्ञान (ज्वः मदुगु अरहत्त मार्ग ज्ञान व सर्वज्ञता ज्ञान) साक्षात्कार याना सीका कया धका स्वीकार मयाना ।

आतिनी बुद्ध जुल धका स्वीकार याना बिज्यागु

तर भिक्षुपिं, गबले जित थ्व प्यंगू आर्य सत्यय् सत्यज्ञान, कृत्यज्ञान कथं स्वंगू तह दुगु आकार कथं भिनिगू दुगु यथार्थ ज्ञान दर्शन बांलाक परिशुद्ध जुल, अबले तिनि भिक्षुपिं ! जिं देव, मार व ब्रह्मापिं सहितगु समस्त (ओकास) लोके (सम्मति देव धयापिं) जुजुपिं व ल्यंदुपिं मनुष्यपिं अले श्रमण ब्राह्मणपिं सहितगु समस्त प्रजापिनि, (प्राणीपिनि) दथुइ अथवा सत्वलोकय् अनुत्तर सम्यक (ज्वः मदुगु अरहत्त मार्ग ज्ञान व सर्वज्ञता ज्ञान) साक्षात्कार याना सीका कया धका स्वीकार याना ।

प्रत्यवेक्षण ज्ञानं सीका खंका विज्यागु

जिके प्रत्यवेक्षण ज्ञान दर्शन उत्पन्न जुइ धुंकल, जिगु चेतो विमुक्ति (अर्हन्त फल ज्ञानयात विरोधी धर्म स्यंके फइ मखुत, थ्व जिगु अन्तिम जन्म खः । आःहानं न्हूगु जन्म जुइगु धयागु मन्त ।

पञ्चवर्गीय भिक्षुपिनि धर्म देशना न्यना खुसि प्रसन्न जूगु

थथे भगवानं आज्ञा दयेका बिज्यात । हर्ष व सन्तुष्ट जुया पञ्चवर्गीय भिक्षुपिसं भगवान यागु उपदेश व्याख्यान यात अभिनन्दन यात । (गौरवपूर्वक साधु ! साधु !! धका शिरोपर याना काल) ।

आयुष्मान कौण्डिन्य श्रोतापन्न जूगु

१४- थथे गाथा ल्वाक मज्यागु मुक्कं खँल्हा बल्हा जक दुगु व्याकरण (धर्म व्याख्यान) याना बिज्यागु बखते आयुष्मान कौण्डिन्ययात विरज (अपायगामी जुइके फुगु राग आदि धू मदुगु) वीत मल दृष्टि, विचिकित्सा (शंका उपशंका) हटे याना फोहर मदये धुंकूगु) धर्म चक्षु (प्यंगू सत्य खंके फूगु श्रोतापत्ति मार्गज्ञान धयागु मिखा) उत्पन्न जुल "गुलि नं त्रिभूमिक धर्म उत्पन्न जुइगु स्वभाव दुगु खः व फुकं निरोध जुइगु स्वभाव खः ।"

देवब्रह्मा पिसं उद्घोषण याःगु

१५- भगवानं धर्म चक्र प्रवर्तन याना बिज्यावले भूमि च्वपिं देवतापिसं छगू पाखं उद्घोषण यात- भगवानं थ्व वाराणसीया

ऋषिपतन मृगदावने ज्वः मदुगु धर्मचक्र प्रवर्तन याना बिज्यात, गुगु लोकय् सुं श्रमण ब्राह्मण, देव, मार ब्रह्मापिसं वा सुं छम्ह व्यक्ति रोकय. याये मफुगु वा प्रवर्तन याय मफुगु खः ।

१६- भूमि च्वपिं देवता पिनिगु सः ताया चातुर्माहाराजिक देवतापिसं छगू पाखं उद्घोषण यात - भगवानं थ्व वाराणसिया ऋषिपतन मृगदावने ज्व मदुगु धर्मचक्र प्रवर्तन याना बिज्यात, गुगु लोके सुं श्रमण, ब्राह्मण, देव, मार, ब्रह्मापिसं वा सुं छम्ह व्यक्ति रोकय् याये मफुगु वा प्रवर्तन याये मफुगु खः ।

१७- चातुर्माहाराजिक देवतापिनिगु सः ताया त्रयत्रिंश देवतापिसं छगू पाखं उद्घोषण यात- "भगवानं थ्व वाराणसीया ऋषिपतन मृगदावने ज्व मदुगु धर्मचक्र प्रवर्तन याना बिज्यात, गुगु लोकय् सुं श्रमण, ब्राह्मण, देव, मार ब्रह्मापिसं वा सुं छम्ह व्यक्ति रोकय् याये मफुगु वा प्रवर्तन याय मफुगु खः ।

१८- त्रयत्रिंश देवतापिनिगु सःताया यामा देवतापिसं छगू पाखं उद्घोषण यात -भगवानं थ्व वाराणसीया ऋषिपतन मृगदावने ज्वः मदुगु धर्मचक्र प्रवर्तन याना बिज्यात, गुगु लोकय् सुं श्रमण, ब्राह्मण, देव, मार, ब्रह्मापिसं वा सुं छम्ह व्यक्ति रोकय् याये मफुगु वा प्रवर्तन याय मफुगु खः ।

१९- यामा देवतापिनिगु सःताया तुषित देवतापिसं छगू पाखं उद्घोषण यात-"भगवानं थ्व वाराणसीया ऋषिपतन मृगदावने ज्वः मदुगु धर्मचक्र प्रवर्तन याना बिज्यात, गुगु लोकय् सुं श्रमण, ब्राह्मण, देव, मार ब्रह्मापिसं वा सुं छम्ह व्यक्ति रोकय् याये मफुगु वा प्रवर्तन

याय मफुगु खः ।”

२०- तुषित देवतापिनिगु सःताया निर्माणरतिं देवतापिसं छगू पाखं उद्घोषण यात- “भगवानं थ्व वाराणसीया ऋषिपतन मृगदावने ज्वः मदुगु धर्मचक्र प्रवर्तन याना बिज्यात, गुगु लोकय् सुं श्रवण, ब्राह्मण, देव, मार ब्रह्मापिसं वा सुं छम्ह व्यक्ति रोके याये मफुगु वा प्रवर्तन याय मफुगु खः ।”

२१- निर्माणरति देवता पिनिगु सःताया परनिर्मित वशवर्ती देवतापिसं छगू पाखं उद्घोषण यात- “भगवानं थ्व वाराणसीया ऋषिपतन मृगदावते ज्वः मदुगु धर्मचक्र प्रवर्तन याना बिज्यात, गुगु लोकय् सुं श्रमण, ब्राह्मण, देव, मार ब्रह्मापिसं वा सुं छम्ह व्यक्ति रोके याये मफुगु वा प्रवर्तन याय मफुगु खः ।

२२- परनिर्मित वशवर्ती देवतापिनिगु सःताया ब्रह्मकायिक देवतापिसं छगू पाखं उद्घोषण यात- “भगवानं थ्व वाराणसीया ऋषिपतन मृगदावने ज्वः मदुगु धर्मचक्र प्रवर्तन याना बिज्यात, गुगु लोकय् सुं श्रमण, ब्राह्मण, देव, मार ब्रह्मापिसं वा सुं छम्ह व्यक्ति रोके याये मफुगु वा प्रवर्तन याय मफुगु खः ।”

२३- थुकथं उगु क्षणय्, उगु लयय्, उगु मुहूर्तय् थुगु उद्घोषण अकनिष्ट ब्रह्मलोक थ्यंकं फिजे जुया वन ।

भ्रिद्वः लोक धातु कम्पन जूगु

थुगु भ्रिद्वः लोक धातु नं क्वाहा क्वाहा वना कम्प जुल, थाहाँ थाहाँ वना कम्प जुल, हुस्लुं प्वीथें चुत्तु चुल ।

आलोक प्रकाश जूगु

प्रमाण रहितगु, उदारगु, देशना ज्ञानं उत्पन्न जूगु जः लोक्यु
देव, ब्रह्मापिनिगु अनुभावयात नं त्वपुया वा पुला वना प्रकाशमान
जुल ।

भगवानं उदान वाक्य लहाना विज्यागु

२४- अबले भगवानं थुगु उदान (उद्गार वाक्य) व्यक्त याना
बिज्यात हे भिक्षुपिं । अहा । कौण्डिन्यं (प्यंगू सत्यं) सीका काल, अहा
कौण्डिन्यं (प्यंगू सत्य) थुइका काल । थ्व हे कारणं आयुष्मन
कौण्डिन्यना नां "अञ्जासि कोण्डञ्ज" हे जुल ।

अञ्जासि कौण्डण्य भिक्षु जुइत प्रार्थना यागु

२५- अथे श्रोतापन्न जुइ धुंका आयुष्मान 'अञ्जासि कोण्डञ्ज'
चतुरार्य सत्य धर्मयात बांलाक खंके धुंकुम्ह, चतुरार्य सत्य धर्म्यु
बांलाक थ्यने धुंकुम्ह, चतुरार्य सत्य धर्मयात बांलाक सीका काय
धुंकुम्ह चतुरार्य सत्य धर्मयात ज्ञानं दुगेक विश्वासयाना काय धुं
कुम्ह, खइला मखइला धइगु शंकां पार तरे जुइ धुंकुम्ह थथेला,
अथेला धयागु संशये मदये धुंकुम्ह तथागतया शासने शूरवीरत्वय
थ्यम्ह थःम्हं प्रत्यक्षरूपं खंके सीके धुंकुगु जुया करपिसं धाःगुली
विश्वास मयाइम्ह जुया (वस्योलं) तथागतयाके थथे बिन्ति यात- भन्ते

भगवानया न्हचोने प्रब्रजितत्व लाभ याये दयेमाः । जिं तथागतया न्हचोने उपसम्पन्नत्व लाभ याये दयेमाः ।

एहि भिक्षु भावं भिक्षु, जूगु

२६- थन वा भिक्षु ! धर्मयात जिं बांलाक देशना याय धुन । सांसारिक दुःख अन्त यायेत च्वय च्वंगू स्वंगू मार्ग ज्ञान धयागु बांलागु आचरणयात आचरण या ।

भगवानयागु ध्व हे एहि भिक्षु (थनवा भिक्षु !) वाक्यं वस्पोल आयुष्मान कोण्डञ्जया उपसम्पदा जूगु जुल ।

धर्मचक्र सूत्रया भावार्थ समाप्त जुल ।

(आषाढ पुन्हीखुन्हु आयुष्मान् कोण्डण्य स्थविर श्रोतापन्न जुया विज्यात । पारूखुन्हु वपः स्थविर श्रोतापन्न जुया विज्यात । द्वितीयाखुन्हू भद्दिय स्थविर श्रोतापन्न जुया विज्यात । तृतीया खुन्हु महानाम स्थवीर श्रोतापन्न जुया विज्यात । चौथीखुन्हु अस्सजी स्थविर श्रोटापन्न जुया विज्यात । पञ्चमीखुन्हु "अनत्तलक्खण" सूत्र देशना न्यना न्याम्ह पञ्चवर्गीय भिक्षुपिं अर्हन्त (जीवन मुक्त) जुया विज्यात ।)



अन्तर्राष्ट्रिय बौद्ध भावना केन्द्र

बुद्धनगर, शंखमूल

काठमाण्डौ, फोन . ४७८२७०७

महोपकारक महाशी सयादोयागु अववाद

- १) शान्तादर्श शासनाश्रम, वृद्धि ज्वीगु श्रद्धा वःपिनि ।
मेपिसंथें जिमिसं नं याये, दान, शील श्रेष्ठ भावना ॥
(अप्वःसिगु स्वानभूति)
- २) धात्थेंयागु सुखया कारण, ऐश्वर्य भोग स्थिरता ।
हीनत्वं जुइकी सो रक्षा, लिधंसा श्रेष्ठ त्यागता ॥
(सूत्र महावर्ग अर्थकथा-६२)
- ३) शील गन्ध सदा नस्वा, शीलालंकार भःभः धा ।
प्वाःती दुर्गति शील रक्षां, लिधंसा श्रेष्ठ शीलता ॥
(सूत्र महावर्ग अर्थकथा-६३)
- ४) लुया वक्व भाबिता यायेवं, दिपा, मदयेक क्वातुक ।
छुटे जुइ नाम रूप व, कारण कार्य धर्मत ।
ज्ञानय् स्पष्ट जुइ धात्थें, अनित्य दुःख च्वत्तुक ।
अनात्मा सिया वइ याउँक, प्रवेश निर्वाण अःपुक ॥
(स्मृति प्रस्थान सूत्रादि) ॥
- ५) स्मृति हे जिगु आश्रय खः स्मृति हे स्थान चंक्रमण,
याये जि च्वनेगु स्मृतिइ हे, स्मृति हे जिगु रक्षण ॥

स्मृति प्रस्थान प्रतिज्ञा बचं

स्मृतिप्रस्थान धर्मचक्र, प्रतिज्ञाद्वारा तथागतं ।
आज्ञा जुल दृढ रूपं, दइगु फल सुनिश्चितं ॥
श्रमण गृहस्थ गुपिसं, वृद्धि जुइकी व धर्मत ।
यक्व ब्यूसां न्हेदं दुने, जुइफु अरहन्त निश्चितं ॥
ल्यँ हे ल्यंसां अनागामी ला, थ्यनी अवश्य मेव नं ।
तीक्ष्णप्रज्ञां ला न्हेनु दुने, दयेकी मार्ग फल उगु ॥
दृढनिर्भिक स्वीकृति, धर्मचक्र कना बिज्याः ।
तया आस्था बुद्धप्रति, वरकामी जू निःशंकितं ॥

(२७)

याकनं या वृद्धि थःके, स्मृति प्रस्थान भावना ।
अले तिति दइ निर्वाण, धात्थे शीतल शान्तिया ॥

(महाशी देशना स्मरणिका)

कर्म प्रतिफल थी थी

अल्पायु जुइ परहिंसां, अहिंसां दीर्घ आयु जुइ ।
पर शास्तिं रोग आपा, दयां जुइ खः निरोगी नं ॥
दोष अग्निं कुरूप जुइ, सह यायेवं सुरूप नं ।
इर्या मद्दु परिवार, लयतां यशशीं जुइ जुल ॥
जुइ दरिद्र कपटं ला, त्यागं धनी जुइ जुल ।
अगौरवं नीच जुइ न्हां, उच्चकुलीन गौरवं ॥
अपरीक्षां ज्ञान पाः जुइ, परीक्षां ज्ञान वृद्धि नं ।
मभिं यायेवं मभिं जुइ सो, भिं यायेवं नं भिं हानं ॥
यायेमा सुख दुःख भोग, दयेका भिमभिं थनं ।

(महास्थविर महाशी सयादों)

मैत्री भावना

- १) आः थन दुपिं भीपिं सकलं, नित्य सुखी जुइमाः शरीर व मनं ।
- २) श्रमण गृहस्थ भीपिं सकले, " " "
- ३) अनन्त गुणवान, गुरू आचार्य " " "
- ४) अनन्त गुणवान मां-बौ निम्हं, " " "
- ५) भी बिहार दुनेया आपालं सत्वपिं, " " "
- ६) भी शहर दुनेया आपालं सत्वपिं, " " "
- ७) भी क्षेत्र दुनेया आपालं सत्वपिं, " " "
- ८) सकले श्रमण संघ गणपिं, " " "
- ९) प्यंगू प्रत्ययया दाता गणपिं, " " "
- १०) राज उपराज क्षेत्र दक्कया, " " "
- ११) खुं डाखुं लुच्चा छुच्चा हेकासिं दक्क, " " "
- १२) भी चक्रवालया सकल सत्वपिं, " " "
- १३) अनन्त चक्रवालया सकल सत्वपिं, " " "
- १४) अपाय प्यंगूया सकल सत्वपिं, " " "
- १५) मनुष्य देव व ब्रम्हा सकले, " " "
- १६) स्वीछगू भुवनया सकल सत्वपिं, " " "

(२८)